

Na osnovu člana 29. Statuta Udruženja fudbalskih sudija i instruktora Kantona Sarajevo, Upravni odbor, na sjednici održanoj _____2012. godine, donio je sljedeći

P R A V I L N I K

O RADU STALNIH KOMISIJA UDRUŽENJA FUDBALSKIH SUDIJA I INSTRUKTORA KANTONA SARAJEVO

Član 1. UVODNE ODREDBE

Ovim Pravilnikom o radu (u daljem tekstu Pravilnik) stalnih komisija Udruženja fudbalskih sudija i instruktora Kantona Sarajevo (u daljem tekstu Komisije) na osnovu čl 19., 24., 26. i 27. Statuta UFSIKS (u daljem tekstu Statut) utvrđuje se sljedeće:

Broj i nazivi Komisija,

Sastav i mandat Komisija,

Način izbora predsjednika i članova,

Način, uslovi i djelokrug rada,

Prelazne i završne odredbe

Član 2. BROJ I NAZIVI

Upravni odbor UFSIKS u cilju što efikasnijeg rada Udruženja u svom radu, obrazovao je sljedeće Komisije:

1. Komisija za sudije i sudijska pitanja
2. Finansijsko materijalna komisija
3. Komisija za delegiranje
4. Komisija za talent i mentor program

Član 3.

SASTAV I MANDAT

Komisije se sastoje od po najmanje tri člana, osim Komisije za sudije i sudijska pitanja, koja broji obavezno pet članova i koju na prijedlog Upravnog odbora verifikuje FS Kantona Sarajevo. Svaka Komisija ima predsjednika i najmanje dva člana. Upravni odbor može na zahtjev pojedine Komisije donijeti odluku i o povećanju broja članova komisije, ako za to postoje opravdani razlozi.

Član 4.

Mandat svih komisija je 4 (četiri) godine sa mogućnošću ponovnog izbora. Upravni odbor može zbog neaktivnosti, disciplinskog ili krivičnog gonjenja smijeniti pojedine članove komisije ili rasformirati komisiju i prije isteka mandata.

Član 5.

NAČIN IZBORA PREDSJEDNIKA I ČLANOVA

Upravni odbor, na osnovu stručne kvalifikovanosti članova Udruženja, a u skladu sa ispunjenim moralnim, etičkim i Statutarnim obavezama vrši prijedlog i verifikaciju članova Komisija i između njih imenuje predsjednika i po potrebi sekretara. Mandat predsjednika je četiri godine, ukoliko ne dođe do:

- Samovoljnog odstupanja ili podnošenja ostavke
- Isčlanjenja iz Udruženja
- Smjene od strane UO
- Dokazanih kriminalnih radnji
- Smrti ili bolesti

U svim navedenim slučajevima funkciju zamjenika predsjednika do imenovanja novog obavlja najizrasliji član, kojeg odredi UO.

Član 6.

Predsjednik Komisije može UO predložiti ili od istog zatražiti smjenu ili zamjenu pojedinih članova i sekretara uz argumentovane razloge zbog kojih dolazi do zastoja ili poteškoća u radu same Komisije.

Član 7.
NAČIN, USLOVI I DJELOKRUG RADA KOMISIJA

Rad Komisija zasniva se na amaterskim i stručnim aktivnostima i predstavlja struku potrebnu za provedbu ciljeva i zadataka Upravnog odbora Udruženja. Ovaj rad mora biti zasnovan na zakonitom i odgovornom djelovanju sukladno Statutu i Pravilniku.

Član 8.

Komisije se sastaju po potrebi i to na sjednicama na kojima je obavezno prisustvo najmanje dva člana Komisije, od kojih je jedan Predsjednik. Odluke komisije su punovažne ako za tu odluku glasaju najmanje dva člana Komisije. Sekretar prisustvuje sjednicama, ali nema pravo glasa.

Član 9.

Komisije za potrebe svog rada koriste kancelarijski prostor i opremu Udruženja, uz raniju najavu sekretaru Udruženja.

Član 10.

Komisija može samostalno pokrenuti inicijativu za izmjene i dopune Pravilnika, koje se dostavljaju Upravnom odboru na razmatranje.

Član 11.

Komisije donose Poslovnike o svom radu u kojima će se detaljnije odrediti načini funkcionisanja i donošenja odluka, sukladno Statutu i Pravilniku. Prijedloge poslovnika predsjednik Komisije dostavlja Upravnom odboru na verifikaciju.

Član 12.

Komisije u svom radu obavljaju sljedeće poslove:

Komisija za sudije i sudijska pitanja:

- donosi program i plan rada Komisije,
- poduzima mjere za osiguranje kadrova za suce i instruktore suđenja,
- donosi programe stručnog usavršavanja sudaca i instruktora,
- priprema prijedloge svih propisa i izmjena propisa u vezi sa sucima i suđenjem, koje usvaja Upravni odbor,

- usvaja uputstva za ocjenjivanje suđenja na nogometnim utakmicama,
- predlaže Upravnom odboru kriterije i broj sudaca koji dolaze na listu ili spadaju sa liste
- rješava u drugom stepenu žalbe na odluke i rješenja stručnih sudijskih organa,
- upoznaje Upravni odbor sa eventualnim izmjenama u vezi s pravilima nogometne igre,
- daje tumačenja Pravila nogometne igre,
- priprema i predlaže Poslovnik o radu,
- obavlja i druge poslove i zadatke, a na osnovu odluka i zaključaka Upravnog odbora,
- radi ostale poslove po nalogu Upravnog odbora.

Komisija za mentor program:

- kontinuirano prati određen broj sudaca i asistenata sudaca, koji kvalitetom iskazuju perspektivnost u suđenju i pravi spisak istih koji u svom izvještaju dostavlja UO,
- prati ocjenjivanje suđenja, vrši analizu obavljanja dužnosti instruktora, predlaže i poduzima mjere za unaprjeđenje u tom cilju,
- poduzima potrebne radnje za ujednačavanje kriterija u suđenju,
- organizuje i provodi sastanke i stručno usavršavanje za suce i instruktore i predlaže predavače na seminarima,
- predlaže Komisiji za delegiranje određene kvalitetnije suce u smislu povećanja kvalitete suđenja,
- najmanje dva puta godišnje organizuje seminare za nove suce i redovne seminare za provjeru fizičke i teoretske spremne sudaca,
- kontroliše izvršavanje obaveza zdravstvenih pregleda sudaca prije fizičkih provjera,
- organizuje i provodi radnje za sticanje zvanja pripravnika i kantonalnih sudaca,
- vrši teoretsku i fizičku pripremu sudaca (treninge) i prikupljanje potrebne dokumentacije za polaganje za zvanja entitetski i savezni sudac,
- prati suđenje sudaca na listama Seniorske i omladinskih liga Kantona Sarajevo, kao i sudaca II lige.
- daje mišljenje o uspješnosti suđenja i obavljanju dužnosti instruktora suđenja, u dijelu koji se odnosi na suđenje,
- obavještava suca kada dobije negativnu ocjenu, ili je ista na sjednici izmjenjena, kao i instruktora suđenja kome je ocjena promjenjena ili poništena,

- odlučuje u prvom stepenu o žalbama sudaca na ocjenu posmatrača suđenja, kao i žalbama kontrolora suđenja na poništenu ili promijenjenu ocjenu, kao i drugim žalbama u vezi sa sucima i suđenjem,
- daje stručno mišljenje o bitnoj povredi Pravila nogometne igre,
- priprema i predlaže Poslovnik o radu,
- bavi se i drugim pitanjima u vezi primjene Pravila nogometne igre i obavljanjem stručnih poslova koji joj se stavljaju u nadležnost,
- podnosi izvještaje o svom radu i to najmanje svakih 6 mjeseci,
- radi ostale poslove po nalogu Upravnog odbora.

Komisija za delegiranje:

- određuje suce za utakmice seniorske i omladinskih liga Kantona Sarajevo, kao i za sve Kup utakmice, malonogometne turnire i prijateljske utakmice na području Kantona Sarajevo,
- određuje instruktore za pojedinačne i komisijske kontrole za polaganje praktičnog dijela ispita za zvanje pripravnika i kantonalnog suca,
- saraduje sa Komisijom za talent i mentor program u smislu povećanja kvalitete suđenja,
- vodi evidenciju o delegiranju sudaca,
- priprema i predlaže Poslovnik o radu,
- radi ostale poslove po nalogu Upravnog odbora,
- podnosi izvještaj o svom radu Upravnom odboru.

Finansijsko materijalna komisija:

- vrši evidenciju svih uplata i isplata po tekućem računu i o istim obavještava UO
- provodi isplatu sredstava za režijske troškove
- po nalogu Upravnog odbora vrši sve ostale finansijske transakcije
- priprema i predlaže Poslovnik o radu,
- radi ostale poslove po nalogu Upravnog odbora,
- sačinjava tromjesečni finansijski izvještaj, kao i obavezni godišnji izvještaj o finansijskom poslovanju Udruženja.

Član 13.

Poslove sekretara komisija obavlja sekretar Udruženja, koji ima pravo učestvovati u diskusijama ali bez prava glasanja.

Član 14.

PRELAZNE I ZAVRŠNE ODREDBE

Upravni odbor UFSIKS tumači nepredviđene slučajeve u vezi sa ovim Pravilnikom.

Član 15.

Ovaj Pravilnik stupa na snagu i primjenjuje se osam dana od dana donošenja na sjednici Upravnog odbora i objave na web stranici UFSIKS.

PREDSJEDNIK UPRAVNOG ODBORA

Ibrahim Hasanbegović